

SUS ERA COMISSION DETH DICCIONARI

A.- Formen era Comission deth Diccionari der aranés a 26 de gèr de 2020, es colaboradors següents:

Tonho Castèt
Pili Ares
Eduardo Orduña
Antòni Nogues
Lourdes Santacruz
Maria José Estévez

Toti es membres der *Institut d'Estudis Aranesi-Acadèmia aranesa dera lengua occitana* son membres de plen dret d'aguesta Comission. En totau aguesta Comission ei formada per 20 persones

B.- Es Colaboradors deth Diccionari presentaràn aqueres correccions des paraules que ja i an en Diccionari, que considèren de besonh,... En aquest sentit es colaboradors exerciràn ua foncion d'antena deth Diccionari, entà captar es opinions e aportacions dera gent.

Es colaboradors aportaran naues entrades e definicions damb es critèris qu'indique era Acadèmia.

Cada an, en començament d'octobre, era Acadèmia celebrarà ua amassada damb toti es colaboradors ena qu'informarà der estat deth Diccionari e proposarà es definicions a integrar.

Es definicions a integrar seràn aprovades en ua session dera Seccion aranesa der *Institut d'Estudis Aranesi-Acadèmia aranesa dera lengua occitana*.

Eth dia 1 de gèr de cada an, ena plana web dera Acadèmia, se penjarà era naua version deth Diccionari, damb au mens 500 paraules naues e es correccions que s'agen considerat.